

KinyaRwanda - Mwuka Wera Ibyanditswe - Holy Spirit Scriptures

Iyimukamisiri 35:31 “Kandi wende ya sekurume yereje abatambyi umurimo, uteke inyama zayo ahantu hera.

Ibarura 11:25 Uwiteka amanukira muri cya gicu avugana na we, yenda ku Mwuka umuriho, amushyira kuri abo bakuru uko ari mirongo irindwi. Nuko Umwuka abaguyeho barahanura, bagarukiriza aho.

1 Icyu Mbere Cya Samweli 10:6 Umwuka w'Uwiteka ari bukuzecho cyane uhanurane na bo, uhoreko uhinduka ube umuntu mushya.

2 Icyu Kabiri Cya Samweli 23:2 “Umwuka w'Uwiteka yavugiyu muri jye, Ijambo rye ryari ku rurimi rwanjye.

Yobu 33:4 Mwuka w'Imana ni we wandemye, Kandi guhumeka kw'Ishoborabyose ni ko kwambeshejeho.

Ezayi 11:2 Umwuka w'Uwiteka azaba kuri we, umwuka w'ubwenge n'uw'ubuhanga, umwuka wo kujya inama n'uw'imbaraga, umwuka wo kumenya Uwiteka n'uwo kumwubaha.

Mika 3:8 Ariko jyewehe nuzuye imbaraga n'imanza zitabera n'ubutwari, mbihawe n'Umwuka w'Uwiteka kugira ngo menyeshe Yakobo igicumuro cye, na Isirayeli icyaha cye.

Zakariya 4:6 Aransubiza ati “Ijambo Uwiteka atumye kuri Zerubabeli ngiri ati ‘Si ku bw'amaboko kandi si ku bw'imbaraga, ahubwo ni ku bw'Umwuka wanjye.’ Ni ko Uwiteka Nyiringabo avuga.

Matayo 12:28 Ariko Umwuka w'Imana niba ari we umpa kwirukana abadayimoni, noneho ubwami bw'Imana buba bubaguye gitumo.

Matayo 28:19 Nuko mugende muhindure abantu bo mu mahanga yose abigishwa, mubabatiza mu izina rya Data wa twese n'Umwana n'Umwuka Wera,

Mariko 1:10 Avuye mu mazi uwo mwanya abona ijuru ritandukanye, Umwuka aramanuka amujyaho asa n'inuma.

Mariko 13:11 Nibabajana mu manza ntumuzahagarike imitima y'ibyo muzavuga, ahubwo ibyo muzabwirwa muri icyo gihe muzabe ari byo muvuga, kuko atari mwe muzaba muvuga, ahubwo ari Umwuka Wera.

Luka 2:26 Yari yaranuriwe n'Umwuka Wera, ko atazapfa atarabona Kristo w'Umwami Imana.

Luka 4:1 Yesu yuzuzwa Umwuka Wera, ava kuri Yorodani ajyanwa n'Umwuka mu butayu,

Luka 4:18-21 “Umwuka w'Uwiteka ari muri jye, Ni cyo cyatumye ansigira, Kugira ngo mbwirize abakene ubutumwa bwiza. Yantumye kumenyesha imbohe ko zibohorwa, N'impumyi ko zihumuka, No kubohora ibisenzegeri, 19 No kumenyesha abantu iby'umwaka Umwami agiriyemo imbabazi.” 20

Amaze kubumba igitabo agisubiza umurinzi w'inzu, aricara. Abantu bose bari mu isinagogi baramutumbira. 21 Nuko atangira kubabwira ati “Uyu munsi ibyo byanditswe bisohoye mu matwi yanyu.”

Luka 12:11,12 “Kandi nibabajana mu masinagogi no mu batware no mu bakomeye, ntimuzahagarike umutima w'icyo muzireguza cyangwa w'ibyo muzavuga, 12 kuko Umwuka Wera azabigisha ibyo muzaba mukwiriye kuvuga muri uwo mwanya.”

Yohani 7:38,39 Unyizera, imigezi y'amazi y'ubugingo izatemba iva mu nda ye, nk'uko ibyanditswe bivuga.” 39 Ibyo yabivuze yerekeje ku Mwuka Wera, uwo abamwizera bendaga guhabwa, ariko ubwo Umwuka yari ataraza kuko Yesu yari atarahabwa ubwiza bwe.

Yohani 14:16,17 Nanje nzasaba Data, na we azabaha undi Mufasha wo kubana namwe ibihe byose, 17 ni we Mwuka w'ukuri. Ntibishoboka ko ab'isi bamuhabwa, kuko batamurora kandi batamuzi, ariko mwebweho muramuzi kuko abana namwe, kandi azaba muri mwe.

Yohani 14:26 ariko Umufasha ari we Mwuka Wera, uwo Data azatuma mu izina ryanje ni we uzabigisha byose, abibutse ibyo nababwiye byose.

Yohani 16:7,8 “Ariko ndababwira ukuri yuko ikizagira icyo kibamarira ari uko ngenda, kuko nintagenda Umufasha atazaza aho muri, ariko ningenda nzamuboherereza. 8 Ubwo azaza azatsinda ab'isi, abemeze iby'icyaha n'ibyo gukiranuka n'iby'amateka;

Yohani 16:13-15 Uwo Mwuka w'ukuri naza azabayobora mu kuri kose kuko atazavuga ku bwe, ahubwo ibyo azumva ni byo azavuga, kandi azababwira ibyenda kubaho. 14 Uwo azanyubahiriza, kuko azenda ku byanje akabibabwira. 15 Ibyo Data afite byose ni ibyanje, ni cyo gitumye mvuga nti ‘Azenda ku byanje abibabwire.’

Yohani 20:21,22 Yesu yongera kubabwira ati “Amahoro abe muri mwe. Uko Data yantumye ni ko nanje mbatumye.” 22 Amaze kuvuga atyo abahumekeraho ati “Nimwakire Umwuka Wera.

Ibyakozwe 1:2 kugeza ku munsi yazamuriwe mu ijuru amaze gutegeka intumwa yatoranije, azitegekesha Umwuka Wera.

Ibyakozwe 1:5 kuko Yohana yabatirishaga amazi, ariko mwebweho mu minsime mike muzabatirishwa Umwuka Wera.”

Ibyakozwe 1:8 Icyakora muzahabwa imbaraga Umwuka Wera nabamanukira, kandi muzaba abagabo bo kumpamya i Yerusalemu n'i Yudaya yose n'i Samariya, no kugeza ku mpera y'isi.”

Ibyakozwe 2:1-4 Umunsi wa Pentekote usohoye, bose bari bari hamwe mu mwanya umwe bahuje umutima. 2 Nuko umuriri ubatungura uvuye mu ijuru umeze nk'uw'umuyaga uhuhu cyane, ukwira inzu bari bicayemo. 3 Haboneka indimi zigarbanije zisa n'umuriro, ururimi rujya ku muntu wese wo muri bo. 4 Bose buzuzwa Umwuka Wera, batangira kuvuga izindi ndimi nk'uko Umwuka yahayeye kuzivuga.

Ibyakozwe 2:17-19 ‘Imana iravuze iti: Uku ni ko bizaba mu minsi y'imperuka, Nzasuka ku Mwuka wanje ku bantu bose, Kandi abahungu n'abakobwa banyu bazahanura, N'abasore banyu bazerekwa, N'abakambwe babarimo bazarota. 18 Ndetse n'abagaragu banje n'abaja banje muri iyo minsi, Nzabasukira ku Mwuka wanje bazahanura. 19 Nzashyira amahano mu ijuru hejuru, Nshyire n'ibimenyetso mu isi hasi, Amaraso n'umuriro no gucumba k'umwotsi. (Yoweli 2:28,29)

Ibyakozwe 2:33 Nuko amaze kuzamurwa n'ukuboko kw'iburyo kw'Imana, no guhabwa na Se ibyo yasezeranje ari byo Mwuka Wera, none asutse icyo mureba kandi mwumva.

Ibyakozwe 2:38 Petero arabasubiza ati “Nimwihane, umuntu wese muri mwe abatizwe mu izina rya Yesu Kristo ngo mubone kubabarirwa ibyaha byanyu, kandi namwe muzahabwa iyi mpano y'Umwuka Wera,

Ibyakozwe 4:31 Bamaze gusenga, aho bari bateraniye haba umushyitsi, bose buzuzwa Umwuka Wera, bavuga ijambo ry'Imana bashize amanga.

Ibyakozwe 8:15-17 na bo basohoyeyo barabasabira ngo bahabwe Umwuka Wera, 16 kuko hari hataragira n'umwe wo muri bo amanukira, ahubwo bari barabatijwe gusa mu izina ry'Umwami Yesu. 17 Nuko babarambikaho ibiganza, bahabwe Umwuka Wera.

Ibyakozwe 8:39 Bavuye mu mazi Umwuka w'Imana ajyana Filipo inkone ntiyasubira kumubona, nuko ikomeza kugenda inezerewe. (1 Icyo Mbere Cy'ABami 18:12)

Ibyakozwe 9:31 Nuko Itorero ryose ryari i Yudaya hose n'i Galilaya n'i Samariya rigira amahoro, rirakomezwa kandi rigenda ryubaha Umwami Yesu, rifashwa n'Umwuka Wera riragwira.

Ibyakozwe 10:44,45 Petero akivuga ibyo, Umwuka Wera amanukira abumvise ayo magambo bose. 45 Abizeye bo mu bakebwe bajyanye na Petero barumirwa bose, kuko n'abanyamahanga na bo bahawe Umwuka Wera akaba abasutsweho,

Ibyakozwe 11:15 Nteruye amagambo, Umwuka Wera arabamanukira nk'uko natwe yatumanukiye bwa mbere.

Ibyakozwe 13:52 Abigishwa buzura umunezero n'Umwuka Wera.

Ibyakozwe 19:6 Pawulo amaze kubarambikaho ibiganza Umwuka Wera abazaho, bavuga izindi ndimi barahanura.

Ibyakozwe 20:23 keretse yuko Umwuka Wera ampamiririza mu midugudu yose, yuko ingoyi n'imbabaro bintegererejeyo.

Abanyaroma 5:5 Bene ibyo byiringiro ntibikoza isoni, kuko urukundo rw'Imana rwasabye mu mitima yacu ku bw'Umwuka Wera twahawe.

Abanyaroma 8:9 Arikó mwebwe ntimuri aba kamere, ahubwo muri ab'Umwuka niba Umwuka w'Imana aba muri mwe. Arikó umuntu wese utagira Umwuka wa Kristo ntaba ari uwe.

Abanyaroma 8:13-16 kuko niba mukurikiza ibya kamere y'umubiri muzapfa,

ariko nimwicisha Umwuka ingeso za kamere muzarama. 14 Abayoborwa n'Umwuka w'Imana bose ni bo bana b'Imana, 15 kuko mutahawe umwuka w'ububata ubasubiza mu bwoba, ahubwo mwahawe umwuka ubahindura abana b'Imana, udutakisha uti “Aba, Data!” 16 Umwuka w'Imana ubwe ahamanya n'umwuka wacu yuko turi abana b'Imana,

Abanyaroma 8:26 Uko ni ko n'Umwuka adufasha mu ntege nke zacu kuko tutazi uko dukwiriye gusenga, ariko Umwuka ubwe ni we udusabira aniha iminiho itavugwa,

Abanyaroma 15:13 Imana nyir'ibyiringiro ibuzuze umunezero wose n'amahoro biheshwa no kwizera, kugira ngo murusheho kwiringira mubihehejwe n'imbaraga z'Umwuka Wera.

Abanyaroma 15:19 Yampaye amagambo n'imrimo, n'imbaraga z'ibimenyetso bikomeye, n'ibitangaza n'imbaraga z'Umwuka Wera. Ibyo byatumye nsohoza ubutumwa bwiza bwa Kristo, uhoreye i Yerusalem, ukazenguruka ukagera muri Iluriko.

1 Abanyakorinti, iya 2:10-13 Arik Imana yabiduhishurishiye Umwuka wayo, kuko Umwuka arondora byose ndetse n'amayo berane y'Imana. 11 Mbese ni nde mu bantu wamenya ibyo undi atekereza, keretse umwuka wa wa wundi umurimo? N'iby'Imana ni ko biri, nta wabimena keretse Umwuka wayo. 12 Arik twebweho ntitwahawe ku mwuka w'iyi si, ahubwo twahawe uwo Mwuka uva ku Mana kugira ngo tumenyi ibyo Imana yaduhoreye ubuntu, 13 ari byo tuvuga ariko ntitubivugisha amagambo akomoka mu bwenge bw'abantu, ahubwo tubivugisha akomoka ku Mwuka, dusobanuza iby'Umwuka iby'umwuka bindi.

1 Abanyakorinti, iya 3:16 Ntimuzi yuko muri urusengeri rw'Imana, kandi ko Umwuka w'Imana aba muri mwe?

1 Abanyakorinti, iya 6:11 Kandi bamwe muri mwe mwari nka bo ariko mwaruhagiwe mwarejejwe, mwatsindishirijwe n'Umwuka w'Imana yacu mu izina ry'Umwami Yesu Kristo.

1 Abanyakorinti, iya 12:3 Ni cyo gituma mbamenyesha yuko ari nta muntu ubwirijwe n'Umwuka w'Imana uvuga ati “Yesu ni ikivume”, kandi nta muntu ubasha kuvuga ati “Yesu ni Umwami”, atabibwirijwe n'Umwuka Wera.

2 Abanyakorinti, iya 3:17 Nuko rero Umwami ni we Mwuka, kandi aho Umwuka w'Umwami ari ni ho haba umudendezo.

2 Abanyakorinti, iya 13:14 Ubuntu bw'Umwami wacu Yesu Kristo, n'urukundo rw'Imana, no kubana n'Umwuka Wera bibane namwe mwese.

Abanyagalati 4:6 Kandi kuko muri abana bayo, ni cyo cyatumye Imana yohoreza Umwuka w'Umwana wayo mu mitima yacu avuga ati “Aba, Data.”

Abanyaefezi 1:13,14 Ni we namwe mwiringiye mumaze kumva ijambo ry'ukuri, ari ryo butumwa bwiza bw'agakiza kanyu, kandi mumaze kwizera

ni we wabashyizeho ikimenyetso, ari cyo Mwuka Wera mwasezeranijwe, 14 uwo twahawe ho ingwate yo kuzaragwa wa murage kugeza ubwo abo Imana yaronse izabacungura. Ubwiza bwayo bushimwe.

Abanyaefezi 2:18 kuko ari we uduhesha uko turi amaharakubiri, kwegera Data wa twese turi mu Mwuka umwe.

Abanyaefezi 4:30 Kandi ntimuteze agahinda Umwuka Wera w'Imana wabashyiriweho kuba ikimenyetso, kugeza ku munsi wo gucungurwa.

1 Abanyatesaloniki, iya 4:8 Ni cyo gituma uwirengagiza ibyo ataba ari umuntu yanze, ahubwo aba yanze Imana iha mwebwe Umwuka wayo wera.

1 Abanyatesaloniki, iya 5:19 Ntimukazimye Umwuka w'Imana

2 Abanyatesaloniki, iya 2:13 Arikobene Data bakundwa n'Umwami wacu, dukwiriye kubashimira Imana iteka kuko uhoreye mbere na mbere, Imana yabatoranirije agakiza gaheshwa no kwezwa kuva ku Mwuka no kwizera ukuri. (1 Petero, iya 1:2)

Tito 3:5,6 iradukiza, itabitewe n'imirimo yo gukiranuka twakoze, ahubwo ku bw'imbabazi zayo idukirisha kuhagirwa ari ko kubyarwa ubwa kabiri, ikadukirisha no guhindurwa bashya n'Umwuka Wera, 6 uwo yahaye Yesu Kristo Umukiza wacu kuducunshumuriraho cyane,

Abehebureyi 2:4 Imana ifatanije na bo guhamya ihamirisha ibimenyetso n'ibitangaza n'imirimo ikomeye y'uburyo bwinshi, n'impano z'Umwuka Wera zagabwe nk'uko yabishatse?

Abehebureyi 10:15 Kandi n'Umwuka Wera ni we mugabo wo kuduhamiriza ibyo, amaze kuvuga ati

1 Petero, iya 1:2 mwatoranijwe nk'uko Imana Data wa twese yabamenye kera mubihejwe no kwezwa n'Umwuka, kugira ngo mwumvire Imana muminjagirwe amaraso ya Yesu Kristo. Ubuntu n'amahoro bigwire muri mwe.

2 Petero, iya 1:21 kuko ari nta buhanuzi bwazanywe n'ubushake bw'umuntu, ahubwo abantu b'Imana bavugaga ibyavaga ku Mana bashorewe n'Umwuka Wera.

1 Yohani, iya 4:2 Iki abe ari cyo kibamenyesha Umwuka w'Imana: umwuka wose uvuga ko Yesu Kristo yaje afite umubiri ni wo wavuye ku Mana,

1 Yohani, iya 5:7,8 kandi Umwuka ni we ubihamya, kuko Umwuka ari ukuri. 8 Ibihamya ni bitatu: umwuka n'amazi n'amaraso, kandi ibyo bitatu birahuje.

Yuda 1:20 Arikobene mwebweho bakundwa, mwiyubake ku byo kwizera byera cyane, musengere mu Mwuka Wera,